

ginatis argutè denticulatis, stipulis erectis lineari-lanceolatis acuminatis in lobos lineares dissectis, caulibus pubescenti-villosis prostratis elongatis.

*Hab.* inter segetes et in herbosis maritimis propè *Marseille! Hyères!* — Flor. maio. ☉. — Pedunculi sæpiùs 1 rariùs 2-3 flori: bracteolæ lanceolatæ acuminatæ pedicellos subæquantes: loborum calicis sinubus acutis: vexillum patens extùs luteo-rubescens intùs sicut alæ et carina flavidum: legumina illis *M. Gerardi* paulò majora.

A *M. Timeroyi* differt pedunculis brevioribus demùm pendulis, dentibus calicis latioribus, leguminibus haud ovatis brevioribus latioribusque valdè appianatis demùm glabris, cyclis paucioribus approximatis ad marginem carinatis, spinis latioribus magis apice uncinatis, caulibus prostratis.

A *M. Gerardi* W. et K. differt leguminum formâ et glabritie, cyclis ad suturam minùs obtusis haud concretis, spinis elongatis minùs basi conico-inflatis.

(31) **MEDICAGO TIMEROYI.** Jord. Pedunculis 1-6 floris folio longioribus fructiferis *erecto-patulis*, dentibus calicis *angustè lanceolato-linearibus* acutis nervo tenui carinatis tubo obconico pilis erecto-patulis tecto longioribus, vexillo calice vix duplò longiore elliptico-ovato leviter emarginato, alis ovatis subemarginatis vexillo duplò brevioribus carinam obtusam subæquantibus, leguminibus *brevissimè glanduloso-puberulis ovato-globosis* utrinque planis, cyclis 5-6 haud arcè accumbentibus laxiusculis; suturâ exteriorè obtusâ *ferè ecarinatâ* utrinque spinigerâ, spinis *erectis* parùm obliquis conico-linearibus apice recurvis suturæ diametro transversali *sub duplò longioribus*, foliolis lætè virentibus laxè pubescentibus obovato-cuneatis subtruncatis argutè denticulatis, stipulis obliquè erectis lineari-lanceolatis acuminatis basi in lobos lineares dissectis, caulibus ascendentibus pubescentibus.

*Hab.* inter segetes et in herbosis apricis; *Villeurbanne propè Lyon (Timeroy), Prades! (Pyr.-Orient.)* — Fl. maio. ☉. — Pedunculi sæpiùs 3-4 rariùs 5-6 vel 1-2 flori: pedicelli calicis tubo breviores: bracteolæ ovatæ cuspidatæ pedicello duplò breviores: loborum calicis sinubus rotundatis ipsis latioribus: vexillum intùs sicut alæ et carina pulchrè flavum extùs pallidum: ovarium oblongum dorso densè hispidulum: stylus incurvus filiformis ovario vix longior: semina 9 reniformia.

A simillimâ *M. Gerardi* W. et Kit. evidenter differt: floribus numerosioribus minùs pallidè flavis, pedunculis fructiferis haud declinatis, calice haud patenter villosa, dentibus angustioribus, vexillo minùs acutè emarginato, alis latioribus, leguminibus majoribus pilis multò brevioribus tectis utrinque magis planis, spinis minùs crassis haud adpressis ad suturam ferè ecarinatis, spinis longioribus basi minùs incrassatis apice tantùm recurvis sed non uncinatis, stipulis multò tenuiùs dissectis magis cauli approximatis, foliis minùs cinereis, pubescentiâ parciore, caulibus majoribus ascendentibus nec omninò prostratis.

(32) **PICRIS STRICTA.** Jord. Racemo elongato *angusto*, ramis *strictè erectis*, pedunculis erectis subumbellatis involucrisque caescentibus hirtisque pilis patentibus apice globulatis, involucri fructiferi ventricoso-ovati versùs medium *strangulati* foliolis linearibus acutis, exterioribus infernè adpressis suprâ medium *patentissimis*, akeniis fuscis transversim striatis rugulosis, receptaculo nudo, foliis *pallidè virentibus* utrinque hispidulis asperis, radicalibus elongatis profundè sinuatis subundulatis basi attenuatis acutis, caulinis lanceolatis supernè attenuatis basi cordatâ sessilibus integris vel subdentatis, caule striato hispidissimo aspero simplici vel ramoso, ramis *erectis* sæpè axi adpressis.

*Hab.* in incultis; ad vias propè *Sisteron! Laragne!* et probabiliter in aliis Galloprovinciæ vel Occitanicæ locis. — Fl. august. ♂. — Flosculi exteriores subtùs sæpè violacei vel ferè concolores: caulis 6-8 dec. altus, ut tota planta hispidissimus.

A simillimâ *P. hieracioide* L. differt racemo terminali angustiore elongato ramis multò minùs patentibus strictioribus, involucri foliolis exterioribus magis patentibus, akeniis minoribus minùs conspicuè muriculatis, foliis flavescenti-viridibus magis supernè attenuatis.

(33) **PICRIS VILLARSI.** Jord. *P. pyrenaica* Vill., III, p. 148, non L. Racemo terminali laxè corymboso, ramis *paucifloris* patulo-erectis sæpè ascendentibus subflexuosis, pedunculis *longis* haud apice incrassatis involucrisque tomento caescente parcissimè

obductis pilis tenuibus patentibus apice glochidiatis præditis, involucri fructiferi ovati basi paululum inflati *leviter* versus medium constricti foliolis demum *nigricantibus* laxis linearibus apice attenuatis acutis, akeniis fuscis pappo brevioribus transversim striatis longitudinaliter *minutè rugulosis*, receptaculo nudo, foliis lætè virentibus *mollibus* pilis minutis glochidiatis utrinque pubescentibus, radicalibus *serè planis* oblongis elongatis apice paulò attenuatis obtusis infernè longè in petiolum angustatis *leviter sinuatis integrisve*, caulinis integris vel subdentatis oblongis vix acutis basi rotundatis sessilibus vel semi-amplexicaulibus, caule striato hispido scabriusculo apice ramoso, caudice bienni vel perennante.

*Hab.* in pratis montosis Delphinatûs; *Guillestre! Briançon! Valgaudemar* (Villars).— Flor. aug., sept. ♂. — Flosculi utrinque pulchrè flavi nec violacei nisi ad apicem dentium: caulis 3-6 dec. altus: tota planta pilis glochidiatis tenuibus hispida parùm aspera.

A *P. hieracioide* L. dignoscitur: floribus paucis terminalibus, pedunculis longioribus, involucri multò minùs basi inflatis et medio constrictis, foliolis ferè nigricantibus, flosculis intensius flavis subtùs haud violaceis, akeniis haud conspicuè muriculatis, foliis lætius virentibus planis haud asperis, caule humiliore graciliore, pubescentiâ omnium partium minùs asperâ.

(34) **SENECIO FLOSCULOSUS.** Jord. Capitulis laxè corymbosis, pedunculis erectis apice paulò incrassatis bracteolatis, involucri fructiferi ovato-hemispherici foliolis exterioribus 1-3 linearibus laxis, interioribus lineari-oblongis *concavis* trinerviis nervo medio valido costato *carinatis* subglabris margine membranaceis apice fusco acuminatis ciliatisque, semiflosculis nullis vel rarissimè 12-13 oblongis *involucro brevioribus* unguem suum subæquantibus, akeniis 7-9 nervoso-striatis oblongis pappo sub triplò brevioribus, *omnibus hispidulis*, foliis *intensè virentibus* obovato-oblongis obtusissimis, radicalibus in petiolum *angustè* canaliculatum desinentibus, imis subsimpliciter dentatis, cæteris caulinisque lyrato-pinnatifidis vel omninò dissectis, laciniis supernè decrescentibus inciso-dentatis patulis, haseos ab aliis remotis caulem amplectentibus, caule striato apice subangulato erecto subflexuoso supernè ramoso corymboso, *ramis erectis inæqualiter fastigiatis*, caudice præmorso bienni brevi.

*Hab.* in collibus herbosis, in pratis nemoribusque Beugesi et Delphinatûs propè Lyon haud infrequens; *Belley! Morestel! Bourgoin!* etc.— Fl. junio. ♂.— Flores in plantâ spontaneâ semper flosculosi: ex seminibus in horto varietatem radiis præditam eduxi: caules 6-8 dec. alti.

A *S. jacobea* et *nemoroso* differt involucri foliolis crassis carinatis, akeniis omnibus hispidulis, foliis intensius virentibus magis crassis minùs dissectis, habitu graciliore. Flores edit post *S. jacobeam* sed antè *S. nemorosum*.

(35) **SENECIO NEMOROSUS.** Jord. — *S. jacobea* auct. ex parte. Capitulis laxè corymbosis, pedunculis erectis parcè bracteolatis, involucri ovato-hemispherici foliolis exterioribus 2-4 brevibus laxis, interioribus adpressis oblongis *planiusculis* 3 nerviis margine membranaceis apiceque hirsutulis, semiflosculis linearibus involucro duplò longioribus, akeniis *leviter striatis* subæqualiter lineari-oblongis pappo sub triplò brevioribus, *marginalibus glabris*, cæteris laxè hispidulis, foliis lætè virentibus ambitu lætè *oblongo-obovatis obtusissimis*, radicalibus imis lyratis breviter petiolatis, cæteris caulinisque laciniato pinnatisectis, segmentis ovato-oblongis obtusis pinnatifidis, lobis divaricatis inciso-dentatis subacutis, laseos remotis caulem amplectentibus, caule striato rubello erecto *elato* apice ramoso-paniculato, *ramis laxè erectis subpatulis*, caudice præmorso brevi bienni.

*Hab.* in nemorosis circà Lyon haud infrequens et probabiliter in omni Gallia. — Fl. jul. ♂. — Flores flavi mediocres: caulis sæpissimè colore rubello tinctus lanugine caducâ parcè obductus 8-12 dec. altus.

*S. jacobea* L. in pratis præcipuè nec in sylvaticis ubique frequentissimus differt: paniculâ densè corymboso-fastigiata, capitulis conspicuè majoribus, pedunculis strictioribus, foliis minoribus magis oblongis imis apice haud obtusissimis, caulibus humilioribus rariùs rubentibus, ramis strictè erectis nec ferè patulis, caudice perenni nec certè bienni, demum inflorescentiâ multò præcociore. In horto sicut in pratis flores edit in medio maio vel sub